

起床了

馮小平

人物：岑敏，又名"queen"or"queenie"（皇），幾年前流產，開始與人隔絕，用工作填補抱憾。

張賢，又名"david"（賢），大學教授，岑敏之夫。

Elizabeth，又名"老太"（老），張賢之母，從外國回來，恨孫子，常催促兒子生小孩。

娣姐（娣），張賢，岑敏家之工人

傑傑（傑），趙氏夫婦之子，寄居於張賢，岑敏家

其他人物：趙太（趙太），傑傑之母

趙生（趙），岑敏之老闆

Ada（A），岑敏之祕書

Elaine（E），趙生之祕書

序幕

（賢入，皇入）

（純音樂揚起，傳出 the eagles 的 desperado）

賢：(開門) 我番黎啦！咦，首音樂？

皇：(從廚房走出) 老公，你番黎啦~你听下！係 **desperado**，我？左好耐，終於？到純音樂版！係唔係 **surprise** 咩？

賢：嗯！真係好叻女！咁難？都比你？到 (捏皇鼻尖)

皇：梗係啦！我地既主題曲歌！當然要落力 **d**！記唔記得呀？果時听 **the eagles** 既 **concert...**

賢：點會唔記得咁重要既第一次見面？你坐我隔離，佢地唱 **desperado** 既時候，你感動到係咁喊，果時既你咁出眾...我點會唔記得！

皇：依，你潤我！我唔理你！（走入廚房，又再探出頭來）喂！我而家煮飯，好快有得食。今日整你最鍾意既糖醋排骨，你上左成日堂，一定好！抖下先啦~

賢：(行去沙發，坐下) 嗯，我都有少少眼訓.食得飯就叫醒我啦！老婆！（慢慢睡著）

(音樂停)(門突然開了)(娣入)

娣：(一邊關門一邊說) 個死人豬肉佬，叫佢秤多半斤比我佢都同我託手爭，枉我幫襯左佢咁多年！！

娣：(見到賢睡在沙發上，電話同時響起，嚇倒) 嘩~嚇死人咩！！！！

娣：(去接電話，不耐煩) 喂！

皇：娣姐？發生咩事？

娣：(听出是皇的聲音，即轉柔) 哦~太太！無..我..我...唔小心戟親..

皇：先生佢係唔係度？

娣：**er...**先生佢訓著左

皇：你同佢講我已經係留言度覆左佢

娣：好！（皇掛線）

娣：唉~又係咁，成日都講唔夠兩句就收線！唔通真係下下一秒幾千萬上落咩！

娣：（走入廚房）唔鬼理佢地~去煮飯先~

（二十秒後.娣入廳，走向賢前）

娣：先生，食得飯啦~

賢：（半醒）（摟抱娣）老婆，你換左香水呀？？

娣：（推開賢）唉呀~撞鬼你咩~"choi"我已經嫁左人~

賢：（彈起）呀！娣姐？？對唔住，我以為你係 Queenie....

娣：唔通先生你發夢見到太太？？你地真係痴纏啦~

賢：o 岩 o 岩真係好對唔住！

娣：算啦~~我明既，後生子女恩愛恩愛，係纏綿 d 架啦！

娣：（向餐桌走）先生，我準備好左晚飯啦~係呀~太太頭先打過電話番黎，佢話咩留左言比你..

賢：（不動，回應娣）哦....

賢：（不惑）唉，我都係發緊夢！

（燈滅）

第二幕

（賢在客廳）（皇入）

賢（手拿杯子和藥丸）：queenie，你沖完涼啦？黎，食左 d 維他命先！

皇：嘈死人啦~可唔可以叫隔離屋個細路唔好再喊！！

（皇走向沙發，坐在賢側，吃下藥丸）

賢：仲係 bb 嘛~梗係喊到咁大聲！！

皇：嘈死人！都唔明 d 人生仔黎做咩！簡直係折磨自己！

賢：小朋友係父母既甜蜜負擔呀~係啦.亞媽佢打過電話黎.....

（皇的手電響，皇接，賢看書）

皇：queenie speaking！哦.趙生.

趙：QUEEN，個 project 你做得好好..不過亞 sam 個 proposal 都唔錯....

皇：趙生你老實同我講，你要我定係 sam？？

趙：queen，說話唔係咁講，我唔係重男輕女，升副經理既事，我係揀有能力既人！

皇：哼！趙生.你唔好誤會，我講份 project...

趙：queen，呢幾年你都咩左好多單 project 上身，是但一單益下人有咩所謂呢？

皇：趙生，你真係識講笑，能者居之，生意點可以求求其其分比人？

趙：哈哈~好啦！有咩事聽日開會再傾..

（兩人掛線）

皇：趙生個老狐狸，又唔知想玩咩把戲！

賢：但佢一向睇好你

皇：人心難測.不過佢唔夠我玩...

(手電再響)

皇：queeniespeaking

A：岑小姐，我係 Ada，我岩岩收到陳生既電話，佢話唔再同我地簽約.

皇：個金鑽客 andychan？

A：係....

皇：佢有冇講理由？

A：陳生佢話 samsir 可以比個更加低既價佢！

皇：哼！好，就睇下佢去邊度貼 d 錢出黎...你听日繼續打電話比陳生，向佢表示我地既誠意。係啦，趙太度點？

A：係，趙太呢幾掛成日去瑪莉美容院同文華飲下午茶..

皇：美容院個邊.你同我 book 听日既時間啦，最近 d 皮膚差左，都係時候去一去...

A：係，同埋听日會有新客上黎傾合約..佢可能會簽金鑽架..

皇：你放 d 風聲出去，听日個客就俾亞 sam 啦，等佢開心多陣....

A：但係咁樣做，我地今個月既業績會下跌兩成..

皇：Ada，睇野要睇全面..仲有，你听日開始同趙生個秘書 Elaine 食晏啦..

A：係

皇：順便 check 下佢鍾意咩禮物

A：我知道啦.岑小姐

(皇掛線)

賢：邊個係 Elaine ？ ？

皇：趙生個祕書

賢：queenie ！ 做事要適可而止 ！

皇：適可而止 ？ 你知唔知主任呢個位有幾咁多野做 ？ d 單做極都唔夠 ！

我唔博，點坐得穩 ！

賢：咁你都要顧下身體，我都係為你好 ！

皇：我唔想再講呢個問題，係啦，你口岩口岩係咪有野要同我講 ？

賢：冇野 ！ 你咁 ？ ，我幫你按摩啦 ！（拉皇入房）

（燈滅）

（燈亮）

（皇入，娣掃地）

娣：哎呀 ！ 太太，呢幾排你 d 皮膚靚左好多啊 ！！ ！

皇：係咩 ？ 可能上多左美容院啦~

娣：敢又唔係咁講，太太你又後生又靚女，皮膚梗係又滑又嫩啦 ！！ ！

皇：唔....

娣：唔好話我話，你同先生生既子女呀，一定係靚過晒 d 港男港姐呀 ！！ ！

皇：我地唔打算生....

娣：咁又係，你同先生仲後生，遲 d 生都唔遲，不過我听人講高齡產婦生得特別辛苦 ！

皇：娣姐，你知唔知隔離屋有幾多個細路？

娣：呀？

皇：幾年黎都有 bb 仔喊，一個定生左好多個！！真係嘈死人！！

娣：太太，隔黎屋....

皇：我就遲啦！我今晚唔番黎食飯，你同先生講聲！！

（皇奔出）

娣：隔黎屋好似得陳伯一個人住.....

第三幕

（皇入，手提電話響，皇接）

皇：queeniespeaking，咩話？係幾時既事？

E：岑小姐，samsir 而家成日都同趙生一齊出出入入呀~

皇：知唔知佢地做咩？？

E：落 club 囉~趙生次次都叫我打比佢老婆話佢去應酬呀~

皇：嗯...仲有呢，佢地有冇講 d 咩？？

E：趙生佢成日同 samsir 講咩"男人同男人辦事方便 d~

皇：趙生有冇講關於副經理個位？？

E：呀！講左咁耐..都唔記得多謝你~上次條裙好 0 岩身呀~

皇：咁就好啦~遲 d 會出埋香水~希望都咁 0 岩用啦~

E：哎呀！岑小姐，你對我真係好啦~

皇：你咁叻女，又幫得手.我多謝你就真...

E：岑小姐，你真係客氣啦！

皇：你有冇聽過關於副經理個位...

E：唉~依家 d 皮膚真係好容易變差，訓唔夠，補都補唔番，唔好意思呀岑小姐~可能要收線啦~

皇：好啦！咁我地听日食晏再傾過啦！

（雙方掛線）

（賢入）

賢：queenie？

皇：david，你番黎啦？唉，你听下！個細路又喊啦！搞到我個頭鬼咁死痛！究竟佢地識唔識湊仔架？

賢：你今日食左維他命丸未？

皇：食左啦！不過我都唔想再食，

賢：唔得，你咁多野做，三餐又唔定時，唔食邊有營養同體力？

皇：得啦~得啦~你好長氣，我每日都食啦，得未？

賢：係啦..亞媽佢下星期四會返黎....

皇：幾時決定既事？點解我無听過？

賢：呢排你咁忙，我咪費時講...

皇：咁你地決定晒，唔講仲好啦..到時咪當俾個驚喜我囉！

賢：queenie，你點可以咁講呢？亞媽都係想番黎探我地！

皇：你知佢想點架！上次帶個咩生仔大師黎，人地係和尚，自己都唔生，點會令到我生！

賢：佢老人家都係想有人傳宗接代...

皇：哼！老人家？佢不知幾咁好精神！

賢：你就就下佢....

皇：咩話？你都要逼我生？

賢：queenie！！你唔好咁激動....（摟著皇）我一直都尊重你的意願...

皇：我都唔想同你呀媽嘈...如果佢唔控制自己，只會令大家難堪！

（手電響）

（皇接電話，賢坐下喝茶）

皇：queeniespeaking！

趙太：queenie 呀~

皇：趙太！

趙太：你听日得唔得閒呀？？

皇：得，听日無會開~

趙太：咁就好啦~听日我地一齊去文華啦~我約左李太，張太飲下午茶....佢地老公係京華酒店既董事呀.想話幫酒店保險簽新約....

皇：啊！多謝你呀！趙太....

趙太：我上次听 Elaine 講話我老公佢成日都同果個 sam 去應酬.....

皇：係呀~亞 sam 好有潛質架！！

趙太：queenie！！！你老實話我知 d 男人多數去邊度應酬？

皇：趙太...我知趙生意志好堅定，一定唔會同亞 sam 出去亂蒲！佢地應該真係出去應酬....

趙太：個亞 sam 結左婚未？

皇：講真句，亞 sam 三十出頭，好有魅力架~我見佢成日換女朋友，好似好多都係夜總會識架！如果我未結婚，一定會倒追佢！！！

趙太：佢成日去夜總會？？

皇：應該係啦~花花公子！哎！趙太，你唔好亂噏野~趙生佢一定唔會同佢去顛架！

趙太：咁我應該點做？我唔可以俾佢地有機會落夜總會....

皇：其實我地都係估估下...無真憑實據..

趙太：唉~點解佢會同亞 sam 一齊架？之前你地唔係拍得好地地既咩？

皇：嗯...公事上我地都仲 ok..但係男人既野....我真係唔識講！

趙：都係搵私家偵探查下！

皇：咁唔係幾好，如果佢真係出去滾，查到又點，咁做可能會弄巧成拙，可能令情況轉壞，佢又係會再去滾，我覺得一係唔做，一係就做盡 d，要佢知你既好，以後都敢去滾！

趙太：你講得有道理，但我可以點做？我已經管佢管得好嚴！！佢都仲去偷食，個死佬！！！

皇：我地有好多客都以為已經將對方綁得好實，受益人寫對方既名，點知就比人厄左！！

趙太：我睇佢睇得唔夠緊！？

皇：不如試下以進為退.男人去滾都係嫌女人唔夠溫柔，做老婆既都唔係一定係黃面婆！

趙太：咁我可以點？

皇：不如去再度蜜月.

趙太：都好！就聖誕去...

（掛線，再撥電話）

皇：ada，下個星期趙生會去旅行，你快 d 搞掂份野！到時 sam 就周身蟻！！

（掛線）

賢：睇黎你又會忙一排，唔好咁博，好傷身，適當既時候，休息一下！不如我地聖誕節去下旅行 relax 下，好唔好？

皇：遲 d 先算！都唔知會忙到幾時！我今晚會係書房做埋份野，你訓先，唔駛等我！

賢，總之唔好捱壞自己！知唔知？

（皇沒有回應就進書房，賢出）

（燈光微弱，皇入）

皇：娣姐，你整份 lunch 比我呀！我陣間返公司，娣姐？唉，又冇人係屋企！

（皇走向沙發坐下發呆，拿出一張照片[胎兒超聲波]，微笑，輕輕撫摸，然後哭泣）

皇：bb，如果你係度，都有三歲啦！媽咪可以帶你番 bb 班，唔知你怕唔怕生保人呢？不過唔緊要，你怕既話媽咪就陪你上堂，一齊玩遊戲，食點心，買好多玩具比你！你係媽咪既心肝呀！你知唔知媽咪而家好寂寞呀？

（皇低泣）

皇：我都唔想攞晒公司 d 野黎做架！但係唔做，媽咪就會亂唸野，唸到你，媽咪就覺得好對唔住你同你爹地，bb，你可唔可以原諒媽咪？你婆婆又要番黎！我更加唔知點算好，我真係好？你話比爹地听媽咪都好辛苦，好唔好？

（娣入，皇見到，立即擦淚，收起照片）

娣：太太，你起身啦？你食左野未呀？未我而家即刻去煮！

皇：嗯，我仲要返公司，你整 d 簡單 d 既就得，係啦，我今晚應該加班，可能唔返黎訓，先生返黎，你同佢講聲。

娣：太太，點解你唔打比先生同佢講？

（皇不語）

娣：哎！我講錯野啦！太太同先生都咁忙...哈哈！我入廚房先！

（娣出，賢入）

賢：queenie？你由琴晚做到而家？

皇：嗯，不過都係做得一半，你下奏冇堂咩？

賢：係呀，所以早 d 返黎，咁你食左野未？

皇：娣姐整緊.

賢：你成晚都有訓，你食完就訓下先！

皇：唔得呀，我仲要返公司做埋另一半，今晚可能會好夜！

賢：咁你都要休息下先好返工，你夜晚返黎，打電話比我，我去接你！

皇：我口岩口岩訓左一陣，夠啦，同埋我可能係公司過夜.呢個係大 project！好多野搞！

賢：咁你小心 d，要返黎就記得打比我！

皇：嗯！

（皇出，燈滅）

第四幕

（娣入，老入）

（門鐘響，娣在裝飾家，去開門）

娣：來啦~邊個呀？哎呀！！！老太你番黎啦！

老：yeah！！！呀娣！！！龍體撈屎（longtimenosee）！！

娣：老太，好新潮呀！！不過我都唔知你講咩！！！

老：唔好叫我老太.叫我醫黎呻笨（Elizabeth）！！！

娣：醫黎呻笨？

老：係呀！！！

娣：er...哦...係啦...老...

老：哼？

娣：醫黎呻笨，我而家去打電話比太太，先生通知佢地你到左！

老：唔駛啦！我厄佢地听日到.要比"實敗"（surprise）佢地！

娣：老..唔係！醫黎呻笨！你真係好有創意.d 後生都唔及你！

老：梗係！我而家去抖下，你去做自己野！

（老出）

娣：今暈真係有好戲睇啦！上次太太趕走醫黎呻笨老太，我仲以為佢唔會再番黎！

（打掃）（賢入）

娣：先生！！醫黎呻笨老太佢番左黎啦！！

賢：下？

娣：你媽媽呀！

（老人）

老：仔呀~仔！好耐無見你！！！瘦左好多！！

賢：媽！你又話听日番？呢度離市區咁遠，你應該打電話比我去接你！

老：你都知呢！！做咩住係呢度，最近個鄰居都隔成條街咁鬼遠....

賢：環境好呀！

老：我唔打比你，係要想比個"實敗"你！係啦！你幾時又比個"實敗"我？

（賢呆若木雞）

老：我要孫仔呀！！

賢：媽，之前唔係同你講過 **queenie** 佢...

老：我唔理！！你點可以下下比你老婆食住？

（皇拖著傑入）

娣：哎！太太，你都番啦！依？呢個小朋友係？呀！好可愛呀！

（娣走去抱傑，傑躲在皇身後）

娣：好怕生呀！

（老快速走前）

老：家嫂！原本你地生左啦？做咩唔話比我知！？oh！my"驚生"（grandson）

皇：媽..佢係我老闆個仔！

老：係呀..我既乖孫！..係你老闆個仔呀！咩話？

賢：queenie，點解你會帶住佢？

皇：趙生佢地去旅行，趙太唔放心個仔交比人，就叫我湊住先。（無奈）

賢：咁無辦法啦！都好！多個人熱鬧d！（高興）

（賢又走過去傑身邊）

賢：小朋友，你叫咩名呀？

（傑站不穩，跌倒，皇扶住他，又放手，然後賢抱起他）

賢：佢好細個，唔知幾多歲呢？

皇：就三歲，

賢：小朋友，你叫咩名呀？

傑：傑傑

賢：傑傑！乖乖！爹地媽咪去左旅行，叔叔同你玩好唔好？

傑：玩玩！傑傑要同姨姨玩...姨姨抱抱....

賢：好~黎...姨姨抱...

（賢欲將傑交給皇，皇走開）

皇：我好，想去訓下，你搞掂佢！

（皇出）

（傑哭）

賢：乖...傑傑乖...

老：傑傑唔好喊..婆婆帶你去買野食....買超人糖好唔好？

（老抱傑出，娣出）

（賢坐沙發上）

（皇入）

皇：娣姐，洗頭水用晒！

賢：queenie，我有 d 野要同你講！

皇：咩？

賢：你知唔知傑傑佢仲好細，你咁會傷到佢！（憤怒）

皇：我做過 d 咩傷到佢？

賢：佢都係想你抱下，你望都唔望就走左去，你知唔知佢好唔開心！

皇：喂！佢又唔係你個仔，你駛唔駛咁關心佢！

賢：無人會好似你咁黑心..

皇：你唔係又受左你媽感染呀？每次提生仔既事，我都忍..而家佢又番左黎，我唔知你地想點！

賢：你可唔可以成熟 d？亞媽佢老啦！佢恨孫係正常，佢都係講下，冇逼你.我地係親人，你就唔可以讓下佢？

皇：親人？佢淨係識叫我生仔，佢只係當我係佢個仔既老婆！！

賢：亞媽佢都有關心你....

皇：關心我？佢有顧過我感受咩？

賢：queenie 你冷靜 d！我唔係想同你講生 bb 既事，我係講傑傑，佢咁細個，你做咩要咁對佢？

皇：係，係我錯，我以為你會了解我.估唔到，做左咁多年夫妻，原來係我睇錯...

（沉默片刻）

賢：queenie，不如試下忘記佢...

皇：如果可以忘記，我而家就唔會記得...

賢：你咁樣，我好心痛..

皇：哼，心領..

（老，娣，傑入）

老：仔呀！你知唔知呀？傑傑真係好乖！口岩口岩係巴士度讓位比老人家坐！！

娣：係呀，真係好抵錫！！

老：哎呀！！家嫂你對眼咁紅既？喊過黎呀？

賢：媽！

老：我講下笑，家嫂都唔識喊！哈！哈！

傑（跑過去皇處，攬她）：姨姨....傑傑乖乖，唔好嬲.

（皇憐惜的看著傑，然後走開，入房，皇出）

傑：姨姨...

賢：queenie...（欲追又回頭）傑傑...姨姨唔舒服.唔同得你玩住！黎，去果邊自己玩！

（傑點頭，走到舞台的另一邊）

老：仔呀！係唔係家嫂唔鍾意亞媽番黎？

賢：媽，queenie 呢排大多野做，所以心情先唔係咁好.你唸太多！

老：仔呀，不如我地而家出去食飯囉？

賢：但係 queenie 佢....

老：家嫂依家心情唔好..我唸我地係廳度嘈佢，佢仲煩....就黎聖誕，順便出去買下禮物。黎啦....阿娣，傑傑，我地出街食"癲拿"（dinner）！

（四人出）

第五幕

（皇入，傑入，傑在一個人玩遊戲，跳來跳去，皇在沙發坐，看著傑）

皇：傑傑，小心 d，因住跌親！

傑：姨姨，傑傑變身超人！呀！

（傑跌倒，碰到頭，哭起來，皇跑去抱起傑）

皇：傑傑，你點呀？話比姨姨听，邊度痛！係唔係呢度？下？

傑：嗚...嗚...嗚....痛痛！！（摸著額頭）

皇：唔痛，唔痛！！（皇親親傑的額頭）傑傑唔好喊，超人，spiderman 佢地都

唔會喊，傑傑喊就做唔到超人，做唔到 spiderman，乖乖....

（傑哭累了，在皇懷中睡著）

（皇緊抱傑走到沙發，坐下，一邊哄傑）

皇：傑傑乖乖，唔痛唔痛，訓醒之後，就可以同超人一齊玩！傑傑乖乖...傑傑乖乖...

（皇抱緊傑，定眼望著傑）

皇：你跌倒，媽咪好心痛架，以後要慢慢行，唔好再跳，知唔知呀？唔駛咁急架！唔好學媽咪咁樣，愈急就愈做愈錯，你知唔知呀？爹地嬲左媽咪啦...佢未試過咁大聲鬧我...佢一定係好嬲好嬲...我之前唔係唔要你架...媽咪都好愛你架...我以前唔識唸，係我既錯...我都唔想激嬲佢，每次拒絕佢既關心，我都好痛苦，我好想將我既感受同佢講，但我做唔到，點解？點解？全部都係我一手造成，但佢仲可以包容我...（皇哭）

（皇拿出照片，轉哭為微笑）

皇：你睇下，呢張係你三個月大既相，雖然有 d 模，但係你見唔見到呀？睇到你隻手仔架！（皇握起傑的一隻手）隻手真係好細呀~你呀！以前成日用腳踢媽咪架！記唔記得呀？而家你都係好多腳，成日跳跳紮紮！會擔心死媽咪架！你曳曳呀！不過...不過最曳果個都係媽咪...對唔住呀...媽咪之前真係唔係唔想要你，你唔好憎媽咪呀！我真係面對唔到你爹地...我好難受...我好想你爹地能夠了解我...但又好想佢放棄我...我真係唔值得佢對我咁好！佢愈對我好，我就愈內疚.....

對唔住...對唔住.....你幫媽咪話比爹地听媽咪好辛苦，得唔得呀？我真係講唔出口...

（皇將傑愈抱愈緊，又再抽泣）

（回憶.音響廣播）

賢：（開門）我番黎啦！

皇：（從廚房走出）老公，你番黎啦~

賢：你今日好似特別開心喎！

皇：講件事比你知呀~~

賢：嗯！！

皇：我有左兩個月...

賢：真既？我..我就黎做爸爸？嗯....個 bb 叫咩名好呢？？

皇：喂~唔駛咁快唸名住啦~~要去買衫比 bb 先！！！！

賢：老婆，你比我啦~唯一一張 bb 三個月大超聲波既相，我好想要呀！

皇：唔比呀！我係媽咪，我要袋住佢！你係唔係唔滿意呀？

賢：唔係，媽咪大晒，你點話點好！

皇：嗯，錫晒你！

賢：老婆，你唔好再做啦~~過黎休息下先~

皇：嗯~得啦~~有你 d 補品就補番晒！！

趙：queenie，你做得好好~咁多單好快就可以升！

賢：老婆，你仲唔飲湯？小心身體呀！

皇：個 project 好重要，做埋先！你唔好嘈我！

趙：queenie，公司決定升你做組長！比 d 心機，我知你係叻女！

賢：咩話？你要開 ot？咁樣好傷身架！你辭職啦，養胎要緊！

皇：我唔辭，我可以兼顧到！份工而家開始有 d 起息，我唔想半途而廢！

同事：queenie~恭喜你呀~~升做主任~第日一定會做埋經理呀！到時記住關照我

地呀！

醫生：岑小姐，好對唔住，你流產，個胎保唔住，而且有機會以後都唔能夠生育。

賢：醫生，點解會咁？我老婆冇事呀嘛？

醫生：初步診斷，岑小姐佢係操勞過度，休養下身體都可以復元！

賢：老婆，你振作 d，我地後生，仲會有好多機會，唔駛擔心！

皇：david...你講咩呀？我有野嘞，其實冇左仲好，你都識講啦！我地後生呀嘛，係博殺期！冇左負擔，行路都行得快人一步，唔好咩？

賢：老婆，你知唔知你講緊 d 咩？

皇：我梗係知啦！david，你都係叫番我做 queenie 啦，老婆老婆，一 d 專業形象都有！

（回憶結）

（皇哭到睡下）

（娣，賢，老，傑入，見皇抱著傑）

賢：娣姐，你抱傑傑去訓~我去抱太太！

娣：哦，知道啦~先生！

（賢抱皇入房，發現照片，大驚，賢，皇出）

（賢入）

老：家嫂佢點呀？

賢：訓著左，佢真係好？....

老：你果時應該話比阿媽知！

賢：少人知，對佢都好 d...

老：難怪佢對傑傑咁冷淡，家嫂真係命苦，唉，我之前仲....

賢：佢受左好大打擊...佢出現幻聽之後，我都問過醫生，醫生話佢係抑鬱，但千祈唔可以比佢知.所以我將 d 抗抑鬱藥當維他命丸比佢食！

老：傑傑咁痴佢，都唔知係好事定壞事...

賢：自從果次之後，佢變得同人冇距離，特別係細路仔同我...

老：仔啊，後日聖誕，不如我地搞個"拍地" (party) 呀！等大家"黑皮" (happy) 下..d 人話發洩左就好！

賢：其實都怪我口岩口岩咁大聲鬧佢，如果唔係佢都唔會...

老：咁你就做番 d 野？佢！你呀爸以前都係"乙水"下我，我就唔再嬲佢！係啦~唔好話比家嫂知，比個"實敗"佢！听日同傑傑佢地講先！好啦~~去訓啦~

(賢，老出)

(皇入，在沙發邊，找照片，傑出)

皇：相呢？張相係邊？應該係度架！？

傑：姨姨！早晨！

皇：呀~傑傑早晨呀！

傑：食食！牛奶..食食！

皇：肚仔餓呀？姨姨整早餐比你食啦~牛奶加三文治，好唔好？

傑：三文治！三文治！同姨姨食早餐！

(皇去弄早餐，傑跟在後，傑不小心跌倒，皇上前抱起傑，拍拍他)

皇：小心 d 啦~行路要慢慢行，唔好再亂跳！跌到會好痛架！乖乖！

傑：姨姨..傑傑跌到都唔會唔喊，姨姨琴日話喊喊就做唔到超人，又做唔到 spiderman，傑傑唔喊喊！

皇：傑傑唔亂跳都可以做超人！

傑：真既？好野！傑傑唔跳啦！傑傑你超人！（傑吻皇一下，皇感動，開心）

（老出）

（皇發覺，放下傑）

老：家嫂，咁早起身呀！！

皇：係呀，我要出一出去，傑傑肚餓，你地自己食早餐先！

（皇出）

老：傑傑呀，你係唔係好鍾意姨姨呀？

傑：係，傑傑最最鍾意姨姨！！

老：點解呀？

傑：姨姨好好，抱抱錫錫傑傑！！

老：咁听日聖誕節我地送禮物比姨姨好唔好？

傑：好！送禮物比姨姨！！

（賢出）

賢：媽，傑傑，早晨！！

老：阿仔呀！媽有 d 野同你講！傑傑，你入房叫娣孀孀啦！！

傑：哦~

老：仔呀，傑傑口岩口岩話好鍾意家嫂，因為家嫂對佢好好~抱佢呀！！

賢：但係佢琴日明明唔理傑傑，仲走開左！？

老：我呀，口岩口岩見到家嫂抱住傑傑，仲話要整早餐比傑傑食，不過我一出黎，佢就放低傑傑，出左門！

（電話響，賢接）

賢：喂？

趙太：喂？你係唔係 david 呀？

賢：係，你係趙太？

趙太：係呀~真係唔好意思啦，我地兩公婆文傑傑係你地度，麻煩到你地！！

賢：唔好咁講，傑傑佢好乖，我地都好鍾意佢！！

趙太：queenie 係唔係度呀？

賢：哦，佢出左去.

趙太：哎呀，你代我同佢講多謝啦~佢真係好呀，我地冇咩親戚，又唔敢將傑傑交比工人，我以為佢唔係好鍾意小朋友，初初都唔敢開聲，但係佢竟然主動話幫我地湊傑傑....真係幫左我

地一大忙！！

賢：好，我會同佢講，你地玩得開心 d！

趙太：我遲 d 再打電話黎，byebye！

賢：byebye！

（掛線，賢拿出照片看一看）

賢：媽，我唸我知我老婆想點啦！

老：真係？

賢：嗯，你去準備听日 d 野啦~不過今晚，你地出去食飯啦，我要準一準備...

(燈滅)

結幕

(皇入，屋內黑黑的，皇欲開燈)

賢：老婆，唔好開！

皇：??

賢 (唱歌)：Desperado，why don't you come to your senses？

You been outridin' fences for so long now

Oh，you're a hard one

I know that you got your reasons

These things that are pleasin' you

Can hurt you somehow

Don't you draw the queen of diamonds，boy

She'll beat you if she's sable

You know the queen of hearts is always your best bet

Now it seems to me some fine things

Have been laid upon your table

But you're only want the one that you can't get

Desperado, oh, you ain't gettin' no younger

Your pain and your hunger, they're drivin' you home

And freedom, oh freedom well,

That's just some people talkin'

Your prison is walking through this world all alone

Don't your feet get cold in the winter time?

The sky won't snow and the sun won't shine

It's hard to tell the night time from the day

You're loose in all your highs and lows

Ain't it funny how the feeling goes away?

Desperado, why don't you come to your senses?

Come down from your fences, open the gate

It may be rainin', but there's a rainbow above you

You better let somebody love you

You better let somebody love you

Before it's too late

(Desperado 亡命之徒 by Eagles)

(皇哭)

賢：老婆，咁多年，我都有真正咁了解你，對唔住，我遲左！

(賢拿出照片)

皇：張相係你羅左去？

賢：已經唔重要！我知你仲怪緊自己，但係一切都過去，我地一早已經重新黎過！呢件事唔應該由你一個人承擔，我都有錯，我知你一直都覺得好矛盾，所以同人刻意保持距離，我知你好鍾意傑傑，但你怕你會傷害佢，所以扮唔 care 佢，我知你個心有渴望，你嘗試下跳出黎，我會一直係你身邊，拖住你走！

皇：老公，我真係好驚，我唔係有心唔要 bb 架，，，我好驚你憎我，但點解果時你仲溫柔咁同我講唔緊要....我知你好想要 bb，點解你唔鬧我呀！我真係無辦法面對！

賢：bb 係我地兩個人既，bb 冇左係意外，唔好可怪任何人....唔好再困住自己！

皇（落淚）：多謝你！我真係好開心！雖然一切都黎得好遲，但我真切咁感受到呢份愛！你知唔知呢段時間，我真係好空虛，好寂寞！每一次我都好想開口同你講，但係我有勇氣，我好怕你嫌棄我....但我而家唔會再怕！

(兩人相擁)

(老，傑入)

老：哎呀，好鬼肉麻..傑傑唔好睇！！

皇，賢：媽...

傑（撲向兩人）：我又攞攞！！

（皇主動抱傑，親了一親）

老：家嫂！！

皇：媽...之前對唔住，我成日同你頂頸...一直係咁激你！

老：得啦，家嫂，拿！呢個本來係以前就要送比你，不過一直同你唔夾，所以都有送到，係家傳之寶，傳比新抱架，而家比你！！

（老拿出一隻玉手鐲，皇接）

皇：多謝你...媽...

（電話響，皇接）

皇：喂？

趙：queen 呀？

皇：趙生？

趙：嗯，我覺得 SAM 佢既出價太底，有 d 可疑，我決定放佢大假查清楚件事，你接住佢 d 單先，仲有，我已經向董事局提名你升副經理件事！

皇：升我做副經理！真既？趙生，多謝你，我會比心機繼續做落去！（賢黑了面）

趙：queen，我一直都睇好你！我知你有前途，我番黎之後再同你詳細傾過！

皇：嗯，趙生，咁你同趙太玩得開心 d！傑傑係呢度都好開心！你地唔駛擔心！byebye！

（掛線）

賢：老婆！你口岩口岩又話要過新生活！？不如你唔好做啦！

皇：我係要過新生活，做番真正既我！我唔可以再逃避！我而家明白我一生之中最重要既唔係錢，唔係名譽，而係我既家人我要做我地 **bb** 既媽咪！我要做個孫仔既婆婆，我要做張賢教授既老婆！呢間屋既煮飯婆！我要生 **bb**，扶住佢地學行.教佢地講野，听佢地哎爸爸，媽媽，睇住佢地返幼稚園，小學，中學，大學，拍拖，結婚，我要看守呢個家，跟著你走每一段路！因為你地係我生命中最重要既人....

太：家嫂，咁你又返果份工？依家又話升職，咁咪仲多野做過之前？

皇：媽，老公，你地都知我放唔得低份工，但係我應承你地，我會擺多 **d** 時間係你地身上，我一定會準時返屋企，我唔會亂開 **ot**！（皇低下頭，臉紅，望向賢）仲有...我要留番 **d** 時間同你生人仔...

（賢面紅）

太：真既？家嫂，你真係打算生番個？

皇：嗯！（皇點頭）

賢：好啦！只要你鍾意就得！不過你要就住...

皇：凡事適可而止，小心身體呀嘛~知啦~長氣！（親上賢臉）

（娣入）

娣：老太，太太，先生，你地知唔知呀？隔離陳伯個仔同新抱抱左個 **bb** 番黎同佢一齊住，陳伯開心到比左一千蚊利是比我！！

完